

INUIT ATAQATIGIIT

Inatsisartuni



5. august 2020

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqut:

1. **Nunaqarfinni isorliunerusunilu attaveqaatit internet, telefon il.il. attaveerunnerini, annertuumillu ajutoortoqartillugu sillimaniarnej eqqarsaatigalugu attaveqaatit qanoq ittut periarfissaalersarpat ?**
2. **Naalackersuisut oqarasuaatinik angallattakkanik qaammataasakkut attavilinnik, Nunaqarfinni Peqqissaaviit attaveqaasersornissaannik/pilersornissaannik pilersaaruteqarnerlutik?**
3. **Nunaqarfiit, Illoqarfiillu avinngarusimasut isorliunerusullu Peqqinnissaqarfii oqarasuaatinik angallattakkanik qaammataasakkoortunik (Iridium-inik) pilersorneqassagaluarpata qanoq akeqassava;**
 - a. **Pisiarineri ?**
 - b. **Ukiumut attaveqarneranut akiliutit?**

(Inatsisartuni ilaasortaq Stine Egede, Inuit Ataqatigiit)

Tungavilersuut

Nunaqarfinni Isorliunerusunilu innuttaasorpassuit najugaqarput. Taakkunani aamma annertuumik ajutoornerit ikiortariaqalernerilluunniit ukioq kaajallallugu pisarput. Taamaattoqartillugu attaveqaatit pinngitsoorneqarsinnaanngillat. Ajoraluartumik, akulikippallaamillu attaveqaatit atorsinnaajunnaartarput.

Upalungaarsimaneq sillimaniarnerlu eqqarsaatigalugit piffissanngunnginnerpa oqarasuaatit angallattakkat qaammataasakkoortunik Peqqissaaviit pilersussallugit.

Qaammatit kingullit marluk nunaqarfimmiinninni akulikitsumik misigisarparput attaveqaatit atorsinnaajunnaartarneri. Internet mobiltelefonit, fastnet telefonit, radio TV tamarmik atorsinnaajunnaartarput. Piffissap ilaani radio TV-lu ullut tallimat nipaqqanngillat.

Apeqqutima ullut suliffiusut qulit qaangiutsinnagit akineqarnissaat kissaatigaara.